



Ol Proteksen visa i bilong ol asailem sika

Wankain olsem planti kantri, Australia i gat ol visa i stap bilong givim Proteksen long ol asailem sika.

Wanpela Proteksen visa (sabklas 866) i save larim wanpela man o meri husat i bungim bikpela hevi o bagarap insait long kantri bilong ol long kam long stap olgeta long Australia. Wanpela Proteksen visa em i no bilong ol lain husat i laik stap longpela taim na wok insait long Australia.

Yu no inap long aplai long wanpela Proteksen visa sapos yu stap autsait long Australia. Yu mas kamap long Australis long wanpela narapela visa na imaigresen i mas kliarim yu taim yu kam kamap.

Ol bikpela senis i bin kamap long Proteksen visa aplikesen proses long mekim dipsela proses i kamap hariap. Na planti ol nupela aplikesen em nau ol lain i mekim disisen long hariap moa sapos yumi skelim wantaim taim dispela proses i save kisim long bipo. Dispela em i min olsem ol asailem sika manmeri bai kisim ol Proteksen visa hariap na ol manmeri we i aplai long kisim wok o stap longpela taim long Australia em ol bai kisim tok nogat hariap.

Noken aplai long wanpela Proteksen visa sapos yu no nidim asailem insait long Australia. Mipela bai tok nogat hariap long ol lain i aplai tasol ol i no inapim ol samting i stap insait long kraiteria bilong Proteksen visa.

Sapos yu tingting long aplai long wanpela Proteksen visa (sabklas 866), mipela i laik askim yu long kisim fri ligel helpim i kam long wanpela speselis refuji na iol man meri husat i wok olsem imigresen loyas

- Visa prosesing we i hariap moa
- Proteksen em i bilong ol asailem sika
- Fri ligel helpim
- Ol risponsibiliti bilong yu
- Ol tambu long sait bilong travel
- Painim na kisim raitpela edvais
- Yu mas lukaut long ol opereta we i no save bihainim lo
- Sapos gavman dipatmen i tok nogat long yu long Proteksen visa
- Sapos yu stap insait long Australia taim yu no gat wanpela visa
- Ol narapela visa opsen
- Helpim long sait bilong wanpela ekspaisa visa
- Helpim long sait bilong visa aplikesen bilong yu

Visa prosesing we i hariap moa

Aninit long ol nupela senis we gavman i mekim, planti ol nupela aplikesen bilong wanpela Proteksen visa (sabklas 866) em nau ol i mekim disisen long ol hariap moa sapos yumi skelim hamas taim dispela proses i save kisim bipo.

Sapos yu no nidim proteksen insait long Australia, o yu no mitim Proteksen visa kraiteria, ol bai hariap tru long tok nogat long aplikesen bilong yu.

Bai i gat ol narapla visa we i gutpela moa long yu. Long painim raitpela visa bilong yu, Sekim ol opsen bilong yu.

Proteksen em i bilong ol asailem sika

Ol Proteksen visa em i bilong ol lain (o famili memba bilong ol) husat i gat sans bilong kisim bikpela bagarap sapos ol i go bek long kantri bilong ol o i gat trupela sans long bungim hevi bikos long:

- reis
- lotu
- kantri
- ol i memba bilong wanpela komyuniti
- ol i gat wanpela kain tingting long hau gavman i mas mekim samting.

Long aplai long wanpela Proteksen visa, yu mas stap insait long Australia na gat wanpela visa we i ektiv na imaigresen i bin kliarim yu taim yu kam kamap.

Noken aplai long wanpela Proteksen visa sapos yu laik surikim taim bilong yu long stap long Australia na wok moni.

Planti Proteksen visa aplikesen moa em mipela i save tok nogat long ol na liklik namba tasol em mipela i save tok orait long ol. Moa long 85% bilong ol aplikesen em mipela i bin tok nogat long ol, bikos ol i no inapim ol rikwaimen bilong dispela visa. Ol aplikesen bilong sampela kantri em 100% bilong em mipela i save tok nogat.

Sapos Proteksen visa aplikesen bilong yu em gavman dipatmen i tok nogat na yu no holim wanpela visa we i ektiv, yu bai nid long lusim Australia. Sapos yu nogat wanpela visa we i ektiv yet, gavman bai holimpasim yu na rausim yu long Australia.

Wanpela Proteksen visa we gavman i tok nogat long en em bai stap long imaigresen rekod bilong yu na nogat lain bai i inap long senisim dispela rekod. Dispela em i ken mekim hat moa long yu na famili bilong yu long visitim Australia long bihaintaim na em i ken givim nem nogut long ol visa aplikesen bilong yu i go long ol narapela kantri na dispela em bai dipen long wanem visa yu aplai long en.

Taim yu aplai long wanpela Proteksen visa yu wok long painim asailem o proteksen insait long Australia.

Sapos yu aplai long wanpela Proteksen visa, yu wok long tokaut olem wanpela o tupela bilong ol dispela samting i tru:

- yu no inap go long kantri bilong yu na stap gut bikos i gat bikpela bagarap bai kamap tru tru long yu
- yu wanpela famili memba bilong ol lain we i bin tok olem bikpela bagarap bai kamap tru tru long ol.

Sapos yu inap long go na stap seif insait long wanpela narapela kantri (na i no long kantri bilong yu yet), yu bai no inap long kisim wanpela Proteksen visa.

Yu mas aplai long wanpela Proteksen visa sapos yu **nidim asailem** insait long Australia.

Ritim moa long Ol komitmen bilong Australia long givim proteksen.

Fri ligel helpim

Sapos yu tingting long aplai long wanpela Proteksen visa (sabklas 866), mipela bai askim yu long kisim wanpela **fri ligel helpim** i kam long wanpela speselis refuji na imaijresen provaida insait long kantri o teritori bilong yu bipo yu aplai.

List o nem bilong ol ligel provaida insait long stet o teritori bilong yu

Stet or Teritori	Nem	Websait
Australian Capital Territory	Legal Aid ACT	www.legalaidact.org.au
New South Wales	Refugee Advice and Casework Service	www.racs.org.au
Northern Territory	Refugee Legal	www.refugeelegal.org.au
Queensland	Refugee and Immigration Legal Service	www.rails.org.au
South Australia	Legal Services Commission of SA	www.lsc.sa.gov.au
Tasmania	Tasmanian Refugee Legal Service	www.trls.org.au
Victoria	Refugee Legal	www.refugeelegal.org.au
Western Australia	Circle Green Community Legal	www.circlegreen.org.au

Ol dispela provaida i ken helpim yu:

- painimaut sapos yu inap long kisim wanpela Proteksen visa o wanpela narapela visa we i gutpela moa
- kila gut long aplikesen proses
- klia gut long wanem samting bai kamap sapos gavman i tok nogat long Proteksen visa aplikesen bilong yu
- pulapim wanpela aplikesen bilong Proteksen visa na salim dispela apliksesen sapos yu nid long mekim dispela.

Yu ken kisim wanpela fri ligel helpim i kam long wanpela loya o wanpela komyuniti ligel senta insait long kantri o teritori bilong yu.

Ol responsibiliti bilong yu

Taim yu salim wanpela aplikesen bilong wanpela Proteksen visa, em i risponsibiliti bilong yu long sekim olsem olgeta infomesen we yu givim em i tru na i stret, maski sapos sampela narapela lain i helpim yu long raitim na salim dispela aplikesen.

Yu mas noken larim narapela lain i aplai long wanpela Proteksen visa long yu taim yu no klia gut long wanem samting yu wok long aplai long en na wanem infomesen ol i putim insait long apliksesen.

Ol komyuniti we i stap insait long Australia emo I igat wanpela impoten wok long mekim long stopim rong infomesen long go long ol lain husat i laik aplai long wanpela Proteksen visa. Dispela em i toktok long pasin bilong givim awenes long ol samting nogut we i ken kamap sapos ol lain i givim rong o giaman infomesen na i wok wantaim wanpela maigresen edvaisa we i nogat rejestresen.

I gat ol samting nogut we i bai kamap long ol lain i givim rong o giaman infomesen insait long ol dokumen bilong Proteksen visa aplikesen, kain olsem ol bikpela fain mani, yu ken go long kalabus long kain olsem 10-

pela yia, o tupela wantaim. Em i ken hat moa long yu o famili bilong yu long kam bek long Australia, maski sapos yupela i laik kam raun tasol, kam skul, o kisim wanpela temporeri wok visa kain olsem PALM program visa.

Sapos sampela lain i aplai long wanpela Proteksen visa na i askim yu long raitim wanpela sapot leta o pas, yu mas mekim dispela sapos yu bilip olsem ol i ken bungim hevi o bikpela bagarap o bagarap bai kamap long ol sapos ol i go bek. Strongim ol long kisim fri ligel helpim long wanpela speselis refuji na imaigresen ligel provaida insait long kantri o teritori bilong ol.

Ol tambu long sait bilong travel

Taim yu aplai long wanpela Proteksen visa, aplikesen bilong yu em gavman i ken tok nogat long en sapos yu travel i go long kantri we yu wok long traim long kisim proteksen long en, maski sapos famili bilong yu i stap long hap.

Sapos yu kisim wanpela Proteksen visa, yu bai no inap long travel i go long kantri we i kisim asailem long em taim yu no kisim tok orait long Australian Government, maski sapos famili bilong yu i stap long hap.

Painim na kisim raitpela edvais

Edvais bilong aplai longn wanpela Proteksen visa em yu mas kisim long ol maigresen ejen we i rejista na ol loya bilong Australia. Tu ken kisim sampela imaigresen helpim long ol jenerel samting long wanpela exempt man o meri.

Wanpela exempt man o meri em i wanpela man o meri husat i no wanpela imaigresen ejen we i rejista o wanpela loya na em i:

- nomineta o sponso bilong yu
- famili memba tru bilong yu
- wanpela memba bilong palimen
- wanpela memba bilong wanpela diplometik misin
- wanpela memba bilong wanpela konsula post
- wanpela memba bilong wanpela intanesinel oganaisesen

Wanpela man o meri husat i no wanpela maigresen ejen we i rejista o wanpela loya bilong Australia em i **mas noken sasim yu** wanpela fi long helpim em i givim.

Yu ken sekim sapos wanpela man o meri em i wanpela maigresen ejen we i rejista taim yu lukluk onlain long onlain rejista we i stap long Ofis bilong ol Maigresen Ejen Rejistresen Atoriti (OMARA) websait, o painimaut moa hau long kisim helpim i kam long wanpela loya bilong Australia.

Ritim moa long husat i ken helpim yu wantaim aplikesen bilong yu insait long Australia.

Painimaut long ol steps bilong makim wanpela maigresen ejen we i bin rejista.

Yu mas noken larim ol narapela lain i aplai long wanpela Proteksen visa bilong yu taim yu no klia gut long wanem samting yu wok long aplai long en na wanem infomesen i stap insait long dispela aplikesen. Yu mas sekim olsem olgeta samting i stap insait long aplikesen bilong yu e mi tru; maskim sapos narapela lain i helpim yu long raitim samting na salim.

Yu mas lukaut long ol opereta we i no save bihainim lo

Em i tambu long wanpela man o meri long sasim yu long maigresen edvais sapos e mi no wanpela maigresen ejen we i rejista o wanpela loya bilong Australia. Yu bai no inap long kisim stretpela edvais sapos

yu yusim wanpela man o meri we i no wanpela maigresen ejen we i rejista o wanpela loya bilong Australia, na dispela em i ken bagarapim sans bilong yu long stap long Australia.

Ol opereta we i no bihainim lo i save edvetaisim ol sevis bilong ol long sosol midia na insait long ol onlain tokaut grup. Sampela taim ol i save tokim ol lain i aplai long givim giaman o rong dokumen taim ol i aplai long wanpela Proteksen visa, na sampela i save sasim planti man long dispela edvais we i no stret.

Sapos sampela lain i traim long givim yu helpim long rot we i no bihainim lo, yu ken tokim mipela long disepla taim yu yusim [Border Watch Online Report](#). Yu no nid long givim nem bilong yu.

Sapos gavman dipatmen i tok nogat long yu long Proteksen visa

Sapos ol i tok nogat long yu long Proteksen visa:

- yu bai nid long lusim Australia sapos yu no gat wanpela visa we i ektiv
- yu na famili bilong yu bai painim hat moa long visitim Australia long bihaintaim
- dispela tok nogat em bai stap long imaigresen rekod bilong yu na yu bai no inap long senisim dispela
- em i ken mekim hat long yu long kisim visa long go long ol narapela kantri, na dispela em bai dipen long wanem kain visa yu aplai long en.

Sapos yu stap insait long Australia taim yu no gat wanpela visa

Australian Gavman i wok long holimpasim yu na rausim ol lain we i tok nogat long Proteksen visa aplikesen bilong ol na ol i nogat raits long stap insait long Australia. Ol dispela samting gavman i mekim bai helpim long strongim gutpela nem bilong imaigresen sistem bilong Australia.

Sapos ol i holimpasim yu na rausim yu long Australia bihain long ol i tok nogat long Proteksen visa bilong yu, yu bai baim bek dispela kost bilong rausim yu. Dispela em i ken go planti tausen dola.

Ol narapela visa opsen

I gat ol narapela visa we i bai gutpela moa long yu.

[Long painim raitpela visa bilong yu, Sekim ol opsen bilong yu.](#)

Helpim long sait bilong wanpela ekspaisa visa

Long painimaut sapos visa bilong yu em bai ekspaisa klostu taim o em i ekspaisa pinis, pulapim ol infomesen bilong yu long [Visa Entaitolmen Verifikesen Onlain \(VEVO\)](#).

Status Resolution Service (SRS) i ken helpim yu sapos yu nidim helpim long stretim ol imaigresen hevi bilong yu. Ol SRS ofisa i ken:

- toktok long ol samting we i passim rot bilong stretim keis bilong yu
- givim klia infomesen long ol imaigresen rot o opsen bilong go bek
- givim ol bris visa long ol lain we i ken kisim dispela tasol nau yet o i brukim lo na i stap.

Painimaut moa long [Stetas Resolusen Sevis](#)

Helpim long sait bilong visa aplikesen bilong yu

Mipela i laik askim yu long kisim fri ligel helpim i kam long ol speselis refuji na imaigresen provaida long painimaut sapos yu inap long kisim wanpela Proteksen visa.